



Future-proofing our children

Taelo ya Silumeli 2

Toho ya Tuto

Zuho ya Jesu Krete

Buka ya Bashemi

Sikolo sa la Sunda sa mwa Malapa



Balatiwa Bashemi

Mu amuhelwa kwa tuto ya “Zuho ya Jesu Kreste” ya Taelo ya Silumeli 2.

Pampili ye, imi tusa hainyani ka mo, muswanel ku fela tuto ye:

Mukwa wo mu swanela ku itukiseza ni fa tuto ye ka yona

Ze tatama ki ze ñwi zeo mu swanela ku eza mwa ku itukiseza ni ku fela tuto ye:

Muhato	Kezo
1.	Mu kene fa likepe la Keleke Yenca ya Baapositola, ka ku sebelisa likepe le fa WhatsApp: https://bit.ly/3NACSSHS
2.	Mu be ni lisebeliso ze tatama kuli mu kone ku tukiseza kufa hande tuto: • Bibe • Ma pampili a likisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Video ye lukisizwe, ye kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa lotopa za Tiisezo) Mamela: 2.1: Nako yende ya kufa tuto ki la Sunda ka kusanani, kasamulaho a sebelezo, sina banana ha ba fiwanga lituto ka nako yeo. 2.2. Mukupiwa ku eza tuto ye bu kuswani ha ku konahala, ka ku hupula nakonyana yeo banana ba kona ku teeleza ni ku utwisisa hande. (Mu sike mwa bulela ze sa a mani tuto) ya mwanana – Mina ki mina mu ziba ahulu mwana mina ni ku fita. <i>Ka mulao, sikolo sa la Sunda hasi swaneli ku fitelela mizuzu ye mashumi a mane ka ye ketalizoho (45 minutes).</i> 2.3: Lituto li kau hanyizwe ka itopa (Sikolo sa la Sunda, Taelo ya silumeli ni Tiisezo - SS1, RI1 or Confirmation). 2.4: Mulizeze kapa ku ikopanya ni muluti wa ba sikolo sa la Sunda ha mu tokwa tuso kwa lisebeliso ze bulezwi.
3.	Mu lapele (Mubone tapelo ye ñozwe, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela Yena.



Mufe tuto ya Sikolo sa la Sunda mwa Malapa

Mukwa wo mu swanela ku itukiseza ni fa tuto ye ka yona

Lu zwela pili ku mifa mikwa, yeo muswanela ku itukiseza ni ku fa tuto ye.

Muhato	Kezo
4.	Mu eze sibaka sa tuto kuba se sinzi hande (ku sina lilata) foo mina ni mwanana mu bani ni buino bo buswana. <i>Ka mutala:</i> Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe video ya tuto kuli mube ni kutwisiso hande ya tuto.
6.	Mu iñolele tu ñusanyana twa butokwa to mubata ku hupula ha mufa tuto.
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumanaha ku amana ni Sikolo sa mwa Malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze WhatsApp chat tuto ye ni mabasi a mañwi a Sikolo sa la Sunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika i fa kale ku mwan'a mina.
3. Mu be baba lukuluhile, ku batisisa litaba zeñwi ku amana ni tuto ye.
4. Muongaongi ni muluti wa Sikolo sa la Sunda mwa kopano ya mina ba teñi kuli ba mi tuse



Tuto

Toho ya Tuto	Zuho ya Jesu Kreste
Timana	Mateu 28: 1-8 ni Luka 24: 13-49
Butokwa/mutomo wa Tuto	Banana ba ituta kuli ka zuho ya Hae, Jesu Kreste u lu lukiselize mukwa wa cincheho.

Kusufazo ya Tuto:

- Cwale ka nako ya manzibwana, kwa taha munna ya luwile, wa kwa Arimatea, ya bizwa Josefa, ye n'e li mulutiwa wa Jesu. A ya ku Pilato, a kupa situpu sa Jesu.
- Yena a bona kuli Jesu u bulukwa ka mukwa wa likute, sina ka mutu wa butokwa.
- Kasamulaho wa kepelo, kih'a pikuluseza licwe le lituna fa munyako wa libita. Baprista ba bahulu ni Bafalisi ba bea balibeleli fa libita, ka ku saba kuli balutiwa ba Hae ba ka swana ba t'o mu uzwa, ba bulelele sicaba kuli: U zuhile kwa bafu. (Mateu 27:57-66)
- Ka lizazi la bulalu, Maria Magdalena ni Maria yo muñwi, ba taha ku t'o bona kwa libita. Mihe, zikinyeho ye tuna ya lifasi ya ba teñi.
- Lingeloi la Muñ'a Bupilo ne li zwile kwa lihalimu ku t'o pikulusa licwe, mi la ina fahalimw'a lona.
- Sibupeho sa lona ne si swana sina lumonyi lwa pula, siapalo sa sona ili se sisweu sina litwa. Balibeleli, kabakala ku li saba, ba ngangama, ba ba sina batu ba ba shwile.
- Kono lingeloi la bulela kwa basali: "Mina mu si ke mwa saba. Jesu h'a yo mo, kakuli u zuhile, mw'a na bulelezi. Mu t'o bona sibaka mw'a n'a lobezi. Mi mu ukufe, mu y'o bulelela balutiwa ba Hae, kuli u zuhile kwa bafu".
- Jesu a ba katana mwa nzila, mi a li ku bona: "Mu lumele!" Bona ba sutelela ku Yena, ba mu swala kwa mahutu, mi ba mu kubamela.
- Cwale Jesu a li ku bona, "Mu si ke mwa saba. Mu y'o bulelela banabahesu kuli ba ye kwa Galilea; ki mo ba ka ni bona kwateñi."
- Jesu n'a sina sibi, mi n'a na ni ku shwa ka tato ya Ndat'ahe. Ka maata a Mulimu, a zuha kwa bafu.
- Ka zuho ya Jesu, Mulimu u ezize nto yenca, mubili wo munca, w'o sa kuti mwa sibupeho sa ona sa kale.
- Mwa mubili wa Hae wa zuho, Jesu n'a kona ku iponahaza kwa batu, ni ku ba mwa libaka ze shutana-shutana. N'a kona ku bulela ni ku ca.



- Mwa Luka 24: 13-49 ku bihiwa zeo ne li ezahezi ku ba bañwi bo ne ba boni ya zuhile kwa bafu.
- Balutiwa ba babeli ba ne ba ya kwa munzinyana o bizwa Emausi, ba katana ni Jesu mwa nzila.
- Ne ba ikambota za lifu la Jesu, mi ne ba utwile kuli n'a zuhile kwa bafu, kono ne ba sa lumeli.
- Ba li ba sa ambola, ba buzana, Jesu, Yena luli, a sutelela, a zamaya ni bona. Kono meeto a bona a palelwa ku mu ziba.
- Cwale h'a inzi fa tafule ni bona, a nga sico, a lumba, a si komauna, a ba fa. Mi meeto a bona a yauka, mi ba mu ziba.
- Ba yema isali ka nako yeo, ba kutela kwa Jerusalema, ku yo bulelela Baapositola se si ezahalile ku bona. Ba li ba sa bulela zeo, Jesu kih'a yema mwahal'a bona, mi a li ku bona: "Kozo i be ni mina." Kono ba suha, ba saba hahulu, kakuli munyako ne u kwalilwe.
- Ba likanya inge ba bona silumba. A ba bonisa mazoho ni mahutu a Hae, mi a ba kupa kuli ba mu swale-swale, mi a li: "silumba ha si na nama ni masapo, sina ha mu bona kuli ni na ni ona".
- Ne ba sa lumeli, kabakala ku taba ni ku komoka.
- Ba mu fa tapi, a nga kwateñi, mi a ca fapil'a bona, kona ba lumela kuli ha ki silumba, kono ki Jesu Krete, Ya zuhile kwa bafu.

Tuto ye i lu luta sikamañi?

- Jesu Krete n'a i kezize sitabelo ku shwela libi za luna, mi n'a zuhile kwa bafu.
- Lu lumela mwa zuho ya Jesu, mi lu patalaza se mwa Mutomo wa luna wa Tumelo wa Bubeli.
- Zuho ya Jesu Krete ki sisupo sa kuli ba ba shwile ba ta zuha ni bona.
- Jesu h'a ka kuta, ba ba shwezi ku Krete ba ka zuha pili (zuho ya pili).
- Ba Hae, bao ka nako ya ku kuta kwa Krete ba ka fumanwa ba sa pila mwa lifasi, ba ka fetulwa ni ku apala mubili wa zuho.
- Lu bata ku fetulwa ni ku zuha lizazi leo Krete h'a ka kuta.
- Ku kona ku amuhelwa mwa lizazi la ku kuta kwa Krete, lu swanela ku siya buikuhumuso, ni mukwa wa kuli 'na ni ziba lika kaufela', buipi ni muna mwa bupilo bwa luna, mi lu amuhele linzwi la Mulimu ni muhau.

Lu bata ku pila ka tato ya Mulimu, ni ku sephala ku isa kwa mafelelezo. Tokomela, itukiseze ku kuta kwa Krete, mi u be kakulo ya zuho ya pili.

Mu eze musebezi wa 1 ni 2 ni mwan'a mina.



Ze ñwi za lipuzo zeo lu kona ku buza:

1. Kanti se si kona ku tusa bafu kuli ba zuhe ki sikamañi?
Kalabo: Zuho ya Jesu Krete.
2. Ki mwa Mutomo ufi wa Tumelo ya Keleke Yenca ya Baapositola mo lu bulela za zuho ya Jesu Krete?
Kalabo: Mutomo wa Bubeli wa Tumelo.
3. Kanti lu na ni ku eza sikamañi kuli lu amuhelwe Krete h'a ka kuta?
 - **Kalabo:** Lu siye buikuhumuso, ni mukwa wa kuli 'na ni ziba lika kaufela', buipi ni muna mwa bupilo bwa luna, mi lu amuhele linzwi la Mulimu ni muhau. Lu pile ka tato ya Mulimu.

Tapelo ya Bondate ni Boma ye fiwa pili tuto i si ka tateka kale:

*Mulimu ya lateha. Lwa itumela kwa lizazi la kacenu
Fuyola bashemi ni banana ba luna
Tusa kuli lu kone ku lemuha ku ba teñi kwa Hao
Fuyola tuto ye lu taba ni yona
Lwa kupa, u lu lute mo lu swanela ku ku sebeleza
Mi u lu tuse ku eza tato ya Hao
Kuli lu hule mwa ku ba bu kaufi ni Wena
Luma Jesu a to lu inga
Mi u lu tuse ku ba ba ba itukiselize ku mu katanyeza
Amen*

Tapelo ka samulaho wa tuto:

*Mulimu ya lateha, Ndate ya kwa lihalimu,
Lwa itumela kwa ku lu babalela ni ku lu bukeleza
U ni tuse ku ba ni musa kwa batu kaufela
Lwa itumela kwa ku ba mulisani yo munde, ya lu lata ni ku lu etelela.
Amen*